



kat.komp.

14211

III

Mag. St. Dr.

P

Polonia Regina

*Krobski Adriani: Splendor virtutum lucidissimis
reginalis coronae radiis ad aeternitatem
coruscans.*

PANEG. et VITAE

Polon. Fol.

№ 253.

~~17.~~

S

L

SAC

SE

-10

-10

E

-10

PO

sb

AR

Styl

Cro

2511

—

M. A

—

—

—

—

—

—

—

—

—

—

—

—

—

—

—

—

—

—

SPLENDOR
VIRTUTVM

Lucidissimis Reginalis Coronæ radijs
Ad Æternitatem Coruscans.

SACRO FELICISSIMÆ IN AVGVRATIONIS DIE
SERENISSIMÆ ac POTENTISSIMÆ

DOMINÆ, D.

ELEONORAE

DEI GRATIA.

POLONIÆ REGINAE.

Principissæ Hungariæ & Bohemiæ.
ARCHIDUCISSÆ AVSTRIÆ.
Styriæ, Carinthiæ, Tyrolis, Burgundiæ,
Croatia, Dalmatiæ, Sclauoniæ, Mantuæ,
Montis Ferrati &c. &c.

D V C I S S Æ.

P E R

M. ADRIANVM KROBSKI, Philosophiæ Doct: Eloqu:
in Acad: Zamoscen: Ordinari: Professore, publicæ Luci,

MONSTRATVS.

Anno exortæ Lucis æternæ, 1670.



ZAMOSCI Typis Academicis.

CUm nihil in terris majus, aut excelsius
Majestate Regū, post DEVM immor-
talem cogitari possit: ejus enim ipsi quodam-
modo Legati ad reliquorū hominum salutē
creantur; æquum est eorum imperiū, ac po-
testatem, & qui, qualesq; sint, diligenter in-
tueri, vt eos omni fidelitate, curâ, obediē-
tiâ prosequamur, neq; de ijs aliter, quàm de
imortalis, ac Præpotentis DEI Legatis di-
camus, ac sentiamus: nam qui Summum Prin-
cipem, cui debetur obsequium, dedecore
afficit, DEI Majestati, cujus est imago viuēs
ac spirans, contumeliam infert.

Bodinus Andagavensis, Lib. 1. Cap. 10. de Repub.



Se astra
rata pr
statem
NISSIN
plausib
in se vi
vultus,
dignita
ijs quod
aliò tra
do prin
tuaque
ipsam ca
supra s
possit a
enim a
disturb
justa no
habet,
datur il
laborib
maledic
gemitu



quæ cum in altissimas spes incubuerint impatienter, se non obtinu-
isse ferunt, iniuriamq; dignitatis existimant frustra sperasse, quæcûq;
prece audaci postulauêre. Hanc ob causam corporis nostri est faci-
lis dissolutio, quod coalescimus contrarijs, & litigantium qualitatû
dissidio premimur, velut illæ vrbes, quæ Incolarum plicis aut tricis par-
titæ suam discindunt felicitatem. Verùm infelix eiusmodi homo, cui
ratio in supplicium data est, neq; concessum, vt impune supra bel-
luas emeretur eâ parte, quâ se iactat cæteris animantibus præferendû.
Antiperistasis illa, quâ à tam longo tempore elementa conseruantur,
exercentur, expoliuntur, quamuis à promeritis viuientium arceatur,
quid præstat? quàm vt maiorem ipsis addat excellentiam, dispersaq;
per regiones varias ad æquales suis combinationibus reducat doses.
Et cælo quidem nunquam clementia tanta, vt obstetricantem in ho-
ras omnibus porrigat dexteram, vt omnes simul terras vberet, foue-
atq; . Non ergo Te SERENISSIMA, aliena inuidia, tot Regio-
num & hominum, primum à nobis, tum à recto Regalis Solij, diade-
matis, ac paludamenti deflexit vnquam, neq; deflectere potuit, cum
Tu minus taminatâ laude, inuidiam, tot virtutibus partam, gloriam
non inuidiam censuisti, & hucusque censes. Viuis & (vtinam my-
riades annorum viuas) apud nos, ac si climati huic assueta; sciunt imo
agnoscunt vniuersi bonitatem ingenij Tui, affabilitatem, prudentiâ
pietatem experiuntur, spectant magnificentiam, intuentur magna-
nimitatem heroicam, mirantur prudentiam, nobisq; nimium pro-
pensam charitatē, atq; fidem, magnas notant virtutes in vultu, in-
dolem modestiâ & grauitate temperatam, in fronte animi immobili-
tatem, atq; probitatem, in gestu, processu ac motu vitæ integritatē,
magni pectoris excellentiam, prudentiam, moresq; probatissimos.
Fatentur magnæ virtutis opus esse, pacem bello, sanum consilium
temeritati, rectam conscientiam peruersitati, rationem illæsam impe-
tui præferre, & Te omnibus Naturæ donis, singulis virtutibus quæ
cuncta mirothecia & suauitatem oratorum superant, cumulatam iu-
dicant, deprædicant. Vt enim maris cæliq; temperiem turbines pro-
cellæque commendant: ita ad amplificandam hanc splendoris Tui
gratiam, nimbos aliquos, & tempestates crediderim præcessisse: hæ
sunt profectò miseræ ad leuamen mortalium generi vices, vt ex ad-
uersis semper secunda nascantur, post tristitia læta subsequantur. Re-
dit omnibus reuerentia & metus; iam Tibi benefaciendi vis tanto-
pere exardescit, vt indulgentiâ Tuam necessitas, officium, ac prom-
ptitudo æmulentur. Prætextæ assumuntur, gratulabundi accurrunt
subditi, singuli reuocantur; num hominis istud ingenium est, atq;

potestas

potestas? renouare gaudia, redintegrare lætitiā nullā requiem pro-
pensionis monstrare, nullum finem gratulationibus imponere, nulla
plausibus intervalla permittere vt quæ semper incipiant, nunquam,
fiantur. Omnes Vrbes splendorem, templa religionem, agri vber-
tatem, gentes amorem & concordiam postliminio reuocant, vitam
foedera amicissima, salutem desideratissimā reassumunt, dum eis lu-
cem serenā toti; Lechico Imperio Tua infers Maiestate. Iam pristi-
num vereq; Polonum candorem præsentī actū adæquant, spem patriæ
in pectoribus suis conceptam, votorum magnitudine contrahunt,
dum Maiestas Tua splendidissima cæli, numinis, & Ordinum Regni
auspicio suo solo inuehitur. Desideratam nobis omnibus hodie,
nullaq; retardatione, ac mentium diuersarum iniuriis violatam diem
reddit Phosphorus, qui corda ad gaudia & gratulationes properantia
dubio tempore eludens morabatur. Quis hodie in tripudia non ra-
piatur? quis non ardeat exultatione, cum suauiter SERENISSI-
MVM REGEM MICHAELEM SPONSVM Tuum amantissimū
SEREMISSIMA ELEONORA, oculos hac Tuā solennitate, pascere,
INVICTISSIMVM IMPERATOREM LEOPOLDVM
Fratrem non sine oblectamento de Tua Coronatione audire, iamq;
in se totum quadam mirabili gaudiorum vice moueri, SERENISSI-
MAS PARENTES amore & lætitiā eliquari, custodem Legum, in-
terpretem Consilii publici, senatum oblectari, Ciuitates vniuersas in
triumphos rapi, omnem ætatem atq; sexū gaudere, municipia, spes
omnes meliores concipere, tecta deniq; ipsa tam beneficam, tam a-
mabilem & clementem Principem in Throno venerari conspiciat.
Quid dies ille? quo comitatu selectissimo assistente ad sacram vnus
in bino corpore voti societatem, ad indissolubile Sacramenti magni
vinculum *Czeslochowiam* ingressa es? iam hoc ipsum quod ingressa es
Varsouiam quā charam, & iucundum, dum Polonorum adstantiū,
iam tum filiorum, ac subditorum pompa serenitatem Tuæ *Austricæ*,
Regiæ Maiestatis prodigo oculo animosius è propinquo contempla-
batur, effulgentis flammæ Tuæ iubar, casti ignis scintillas, suis desi-
deriis, flabello quasi intensissimi aspectūs accendebat. Temperasti
lucem præsentium è vicino eandem absentibus, omnes saturos tantæ
gratiæ ac beneficiis reddidisti. Hodierna verò lux, quid apud nos, &
Regnum? vbi non albentibus Equis sed humeris Ciuium ad solium
eueheris, non de corporum viribus sed de animis quendam agis, tri-
umphū. Non ætas quenquam, non valetudo, nō sexus retardat, quo-
minus lumina sua tuo spectaculo impleat. Alij ad hanc tuam auspi-
catissimā Inaugurationem, ex primo intuitu cum suis oculis confir-

mationem

mationem incunt, & cum foenore eisdem, ex grauissima mōra, inter-
stitij tam diuturni delectationem refartunt, alij ad noscendum accur-
runt, quibus intermedia paruulorum, iuuenum, senumque miscentur,
neque ægri neglecto medentium imperio ad conspectum Tui quasi ad
recuperandam sanitatem accelerare verentur. Inde alij temperatam
quandam parant sibi superbiam sufficere te vidisse, & coram alijs, vo-
cibus cothurnatis se relatu-ros ante tempus sapiunt. Referta sunt te-
ta onere spectantium gementia, ac ne vnum quidem vacantem locū
qui suspensum & stabile vestigium non caperet, oppletas vndiq; vias,
strictumq; admodum Tibi tramitem relictum, alacrem huc & illuc
populum, quolibet in loco simile gaudium, similemq; clamorem fa-
cile quisq; videre potest. Eadem lætitia per corda omnium diffen-
ditur, quæ ex aduentu Tuo in Poloniam percepta fuerat. Sed quid
dico eadem, maior dubio procul, siquidem cum ingressu Tuo in fa-
cundis pectoribus creuit, ac prope hodiernum diem ex singulis hora-
rum momentis, lucis diurnæ gradibus, noctium vigilijs est adaucta.
Iucundum nobis fuerat Te salutandi tempus, Tibi verò nostra Offi-
cia grata, quæ sine dimissione oculorum nutui DOMINÆ, aduigi-
larant. Iucundū nobis, quod post illam vtriusq; vicinæ adstipula-
tionem præcipuas familiaritatis inter *Austriam & Poloniam* notas
addidisses, gratum Tibi, quod sensim occurrentium nostrorum turba
Te hinc indeque sequeretur, quod spectantium populus Tibi adsta-
ret, & primo statim ingressu omnes Tuos se esse profiterentur; quan-
tò nunc nobis iucundius, Tibi gratius dum vultus Tuus maiestate iam
venerabilis, pietate grauis, ore placidus & amabilis non mediocriter
vnumquemq; hilaritate afficiat, quando circumfusus vndiq; ad Tuū
folium nunc senatus, nunc Equestris ordinis flos, vt alterutrum fre-
quentiæ genus stipet, veneretur, intueatur, & quin intueatur? dum
omnia, à natura & virtute Tibi porrecta extra communem sensum
animaduertit. In Te magnanimitas digna profectò tanto Imperio,
atq; adeo hac maximi honoris Maiestate Regia elucet, in Te eximia
formæ pulchritudo summâ integritate verecundiæq; ornata eminet,
in Te innumera bona Diuina & speciosa proprijs prætexta ornamentis
nitent fulgentq; in quibus enumerandis disertissimorum quorumuis
Oratorum deficerent Elogia, scriptorum pennæ, Poëtarum entusia-
smi caderent, & omnis si qua esset perfectissima eloquendi norma,
magnitudine tantarum virtutum, multitudine eorum donorum vin-
ceretur. Ad hæc primo occur-
su ac visu placabilis omnibus es agnita
humilitas in fronte, bonitas in oculis, rubor in corpore, in ore pud-
icitia multo rubore suffusa apparere. Quid ergo de Te dicendum

mih?

mihic cum existimem nullum vnquam tantâ Eloquentiâ, tantâ vber-
tate ingenij, tantâq; copiâ, & incredibili genere dicendi reperiri
posse, qui celsissimarum virtutum Tuarum, quas omnes animo pe-
nitus comprehendis Tuo, non modo augere aut ornare Oratione, sed
enumerare cumulatè satisq; dignè valeat recensere, prius expectatione
omnium laudum ac vastitate rerum fractus, debilitatusq; longe pau-
ciora dixisset, quam dixisse putaretur. Porro Oratorum ea est pro-
fessio, vt quando ad Maiestatem deueniunt, silentium potius adamet,
& in admiratione sola, oculos atq; ora defigant. Plures *Hippar-
chiones* inuenti qui repente obmutescunt à quibus grande aliquid ex-
spectatur. Egone tamen sileam imo tanto audacior assurgam quantò
ad magnas mentes pusillos etiam in encomia rapi animos est comper-
tum, Maiestatesq; vmbatilem rudioris facundiæ vocem, ad suum
splendorem alliciunt atq; ab eis integrâ Regna vniuersaq; Prouinciæ
& populi satis superq; Officiorum suorum claritare pulchrescunt. Ex-
cipies quocirca SERENISSIMA REGINA metalem, qualem vo-
luntas studio accensa, & alacritas in Tuas laudes, virtutumq; Tuarû
splendorem animata voluit habere, quæ cum omni calamo maiores
sint in æternitate, nihilominus & memoriâ, quæ per has meas sinua-
bitur paginas iusto titulo æquiualebunt.

Ascende felici passu, fausto pede SERENISSIMA REGINA soliû
dû meapro Tuis laudibus ascensum sibi parat Oratio, quæ licet nō
est tanti, vt omnes ad assem & vnguem orbi deprædicet, veritatem ta-
men nude tradere, magis sibi arridet quâ vnicuiq; faciliorem se præ-
beat in primo aditu, omnibus ad intelligentiam rem vt est adaperiat.
Non cadit illa quidem spe & animo, dum sperat se à Tua Eminentia
attollendam, hæc illi inest fiducia, quod suos conatus, quamuis va-
cuos ex solo numine Tuo cui semper laborabit Orbis tantò plus in
lance dignitatis ponderabit, quantò sublimioris materiæ bajulam sub
reginali encomiorum heroicorû grauitate succumbentem existimabit.
Posset ea ex solo auditu in conclauis has depingere virtutes, non dif-
ficile sermonis lenocinio compeditam inter plausibiles vocis publicæ
sonos linguam resolvere, resolutam in vocalis latitiæ, pensum offerre,
sed vt ex ista repercussione, quæ ex Maiestate vnumquemq; adstan-
tium irradiat magis magisq; transpareant, Tuæ Serenitati Officijs o-
bligatis, verbisq; humilibus mauult famulari. Arbitratur prius ado-
randum esse Thronum, cunctas gratiarum actiones deponendas, de
nouo petitiones inchoandas, & omnia quæcunq; per corda fidorum
voluntut vota inflectenda, quam præsentis hilaritatis sensus absen-
tibus & posteris reddere sensibus, quam tantæ dispar Maiestati in-

compta voce, & in exercitatio calamo reddere obsequium. Citiùs & hæc mea penna sine pæna erit, dum à radiante luce Tua illuminabitur, velociorem plausum in series capeffet, dum ex tam festiuo omnium applausu votiuum incipiet gratitudinis & meriti Sacramentum, auspiciata fors illam concedet facilitatem, vt ex hoc Regiarum virtutum gazophilatio gemmas & lapides pretiosissimos admirationi omnium dispergat, ex Europæ delitio spes publicas fortunarum, felicitates priuatas tranquillitatem ominetur, ex hoc Regni Poloniæ saluti & benigno sydere fidei ardorem, malorum extinctionem, bonorum auctiorem, tristium expulsionem, amœndrum implantationem tenebrarum abolitionem, lucis publicæ in omni quiete & securitate exortum polliceatur dum se Tuo illustratam fulgore, præsentia animata sentiet agnoscerq; . Actio in munere suo feliciore nisu promouebitur, dum à Tua potestate è propinquo, non aliter, quàm imperio & iussu confirmabitur. Animus ac mens ex suo arcto pectoris ergastulo in vastam periodorum exhibit planitiem, dum ex sede imperanti Tua, clandestino nutu sed amabili compelletur. Cultus, omnis fuci inscius & fumi, latius ibit ingentes exteras dum intra ceremonias mihi nondum visas, inter tot Poloniæ splendoris Decora ad lenimen grauioris lucubrationis, ad leuamen intensioris laboris informabitur. Aperiet manus fascinosos oculos detracto (quod inuidos Regum gloriæ infuscat spiritus) nubilo dum intra clausuram parciore luminis non remanebit; neq; ad publica caligabit encomia, dum in aperta luce, priuatâ relatione abiectâ, versabitur: nempe quod veritatis est, quod vniuersæ huic vrbi & planius pleniusq; orbi patet, enucleabit. Feruor in ipsa actione, per tot tractus viarum iturus, tot oculis noua gaudia porrecturus, nouas de prædicaturus laudes, quæ statim in ipso diluculo, in Te claruerunt obrigescere non poterit, quando viuidiori calore huius actus in ipsa Reipublicæ facie ab impressis speciebus calefiet. Magna profectò attento, quum accedere propius ad tantam Maiestatem præsumo, & forsitan mihi verendum, ne prius cæcutiam, quàm tuto oculo hunc splendorem intuear. Quippe vmbra ad lucem, tenebræ ad solem, quid habent? quàm vt omnes in vanum abeant, dispergantur: sed audendum aliquid & non tam curiositati aut alicui audaciæ adscribendum, quàm fidissimo subditi famulitio, cui ad tantum Heroinæ Thronum facilis aditus, quia Dominæ; serenus quandoquidem splendoris intuitus quocunq; se infert, omnia copiosè illuminat, & non sine admiratione, vel potius delectatione cumulatâ abundantia luce animis lumen transfundit, quod certiùs, quàm à lambente Tullium Seruiliū flamma à Tua Maiestate mihi

obuen-

obuen
comm
Te aliq
suada
apprec
jettatis
nes, ill
rorum
diq; c
mihi v
& cer
jorum
ri clar
Princi
non à
tia me
exigen
nis ip
tia.
mihi
inuta
natio
cendi
nim h
mem
in pol
uere
modu
præsu
Austral
solum
mira
hosti
omni
partes
na ad
uit, p
hic n
pidis
Cene

Citiùs &
illuminabi-
quo omniū
um, auspi-
virtutum
i omnium
felicitates
salutari &
norum au-
nem tene-
itate exor-
iā animatā
romouebi-
perio & ius-
ergastulo
anti Tua,
is fuci in-
nias mihi
men graui-
itur. Ape-
egum glo-
is luminis
aperta lu-
ritatis est,
nucleabit.
culis noua
im in ipso
o viuidiori
speciebus
us ad tan-
rius cæcu-
ymbra ad-
in vanum
curiositati
famulatio,
inæ; fere-
t, omnia
lectatione
d certiùs,
tate mihi

obuenturum spero, ac promitto. Facile id coniectare possum, ex
communi gaudio, quod omnium pererrat animos; rarus enim est, qui
Te aliquo gratè non excipiat indicia alij affectu fidissimo, alij voca-
suada, hî muto amore, illi consonâ Splendori Tuo rubâ, hi liquidò
apprecationum pectore, illi firmis in oppositione, & defensione Ma-
jestatis, pectoribus: hinc Parentum cum charissimis liberis salutatio-
nes, illinc senum cum nutibus gratulationes; ex hac infantium pue-
rorum clamor, ex altera parte iuuenum gratissimum obsequium vn-
diq; circumstant. Quod prolixè, cumulateq; dum Tibi famulatur,
mihi vni licèt parcè, gratè tamen hoc sermone famulari qui contingat;
& certè contigisse meliùs sufficientiusq; non poterit, quàm dum Ma-
jorum Tuorum virtutibus, quæ in Te velut speculo & vno Exempla-
ri clarent, occupabor. Splendor hic Tuus Imperatorum, Regum
Principum ad genesim Poloniam translatus, facem mihi præbebit, qui
non à me Oratore vno, ac mea fide, sed à seculorum serie, à consen-
tia mortalium, & rebus toto orbe gestis, ab Historijs Annalibusq; sit
exigendus, ad cuius transparentiâ, & diffusionis terminos Demosthe-
nis ipsius succumberet Oratio, & fulminatrix illa Periclis Eloquen-
tia. De quo non eâ quàm par est dicendi si non loquar facultate, haud
mihi soli pœna remanebit, sed etiam illi, qui Isocratis panathenæum
inutatus, aliquod periculum sperandum, ad eiusq; sufficientem expla-
nationem infimum (ita arbitror) esset, quidquid vniuersa nostra di-
cendi ars, omnis loquendi facultas, haberet primarium. Stirps ete-
nim hæc, in qua ille radiosegit, omnium ferè gentium annorumque
memoriâ celebratur, quam antenata seculi deprædicant, quam ipsa
in posteris æternitas spectabit, & in cuius encomijs, dum tot desuda-
uere Panegyristæ, Harpocraticum eligere silentium maluissent, quàm
modulis inconcinnis tam magna humerisq; suis grauissima tenere
præsumpissent. Mirabuntur, & obstupescant Posteræ Imperi. Tæ-
Austriacæ Domus, Regna, Provincias. Ducatus non in septentrione
solummodo nostro subactos, sed in totam Europam prolatos, pugnas
miraculo Christianitatis exactas, victorias Orbi vix auditas, barbaris
hostibus notas, triumphe belli ac pacis artibus acquisitos, trophæa in o-
mni loco, in omni acie reportata. Neque immerito possedisti tot
partes, quascunq; vobis non cæca rerum humanarum Domina fortu-
na adiecit, sed quas virtus nulli vnquam ante vos comparata instaura-
uit, per quam serenius coruscabit velti inclyti germinis gloria, quando
hic natalium splendor per radios morum, per fibras virtutum ac lim-
pidissimos eloquiorum fontes repercutitur. Ordinatissimo modo hæc
Genethliacæ Lineæ, per puncta Hæreditariæ gloriæ in secula deferen-

obuen-

tur,

tur, inuio per posterorum vias rotabuntur circumactu, dum virtutem primam, & gloriam Originis vestræ tanquam punctum centrale respicient. Augmenta, & incrementa magna heroicarum ex Austria mentium terris illabentur nostris; utpote illâ cælesti benedictione, illo in DEVM obsequio irrorata, nec non eiusmodi pacto & fœdere, certo veluti impetu, per Thronos & Maiestates, per Fasces & Currules ad æternitatem sublimata. Iniuriam sanguis iste in Imperatoribus, Regibus, Ducibus, per Cyclos Orbis, per seculorum fastos, ac temporum lustra non patietur, qui baiulum se Regi Regum dedit, concessit. Crescere nunquam non poterit, qui satis Equo porrecto Flamini annorum, meritorumq; compage increuerat, imo in magna virtutum fastigia excreuerat, iamque sueto tantæ in cælum Religionis, tractu maturauerat. Cessisset tum temporis vel ipse Charmus cum sua Academia ad cuius valuas, primus aras amoris crexerat. Felicior in Austriaca origine aperta schola vbi maxima & meritò pietas vnicuiq; tutissima virtus aram suam, illius amoris Diuini obtinuit. Verissima Ara, in qua DEVS Regnorum dator huic vestro O REGINA Sanguini felicissimè per hanc humilitatem, vile obsequium, Regna Imperiaq; inscripserat. Hæredes jure meritisimo vocari potestis Imperij, pro quo ab ipso DEO sponsonem accepistis, eum vadem & obsidem præsentis, futuræque gloriæ habebitis, successores alios nō timete, alienigenæ procul avobis, penes quos proximè DEVS. Nō fucatus splendor vestræ Domui famulatur, qui à splendidissima luce elementa & initia sumpsit. Difficile tum temporis magnos, quicumq; vixerat, non fuisset auguratus in RVDOLPHO *Julie & Clodouæ gentis sanguine Hapsburgi Comite*, spiritus, quando spiraculum vitæ, omnis naturæ Creator in manibus sui vicarij eius præsens intererat Comitatus, iam tum in pectoribus publico consensu felicitatum non vana omina meruerat, qui accenso in se æterni amoris igne se & Equum votinam DEO victimam tradiderat. Bona auspicia, præclara Exempla, quibus tanquam gradibus, ad magnum splendore, & hominum prædicationem eius pietas ascendebat. Infallibilis sequentium annorum idæa, quam RVDOLPHVS in campis per liberam cessionem præformauit, & aliquot illa jugera, pedibus suis mensa in vastissimas Geometriæ sphaeras reduxit, illumq; paruum Equitatus circulum, in longos mercedis ac fructus vberissimi, per Imperatrices Aquilas, atq; augustas opes, circos ampliavit. Egerat fortissimè, dicamne fidelissimè, dum suæ posteritati transacta generosè omnia reliquisset. Est iam video virtutibus quolibet lustro autumnus, temporum vicissitudinibus, & cæli Lunationibus non arctatus, in quo

dum

dum qu
& atton
contrari
decora
in se no
quot in
sua me
recusat
unt reu
rent spl
mentes
rant.
stis for
cui per
nescio a
stij alu
colunt,
Insula
american
GINA
pisset e
te tanta
ries dec
culo A
gnitati
cam in
am, pr
tionum
Austri
Antefi
tum, s
aucta e
tiâ, pie
Iudicio
ducta.
quod
hoster
ruit, a
victori
memo

dum quisquam fructus colligere ignoret, conspiciat RVDOLPHVM,
& attonitus stabit, rubore confundetur, qui vno virtutis & stimuli
contrarij conflictu, gemmatori aeternum æui ac Imperij maturitatis
decora occupauit. Frustra ille paratas expectat messes, qui culturā
in se non exercet, in cassum optimam periodum opperitur, qui ali-
quot in virtutibus excolendis non vult formare puncta, aut medias in
sua media Adolescentiæ ætate, meritorum, & excellentis vitæ notas
recusat. Hæ duntaxat ordinatissimæ successuum prosperorum fi-
unt reuolutiones, quæ apparentem fastidiunt lucem, erraticum abhor-
rent splendorem, iamq; autem suos, vero lucente sole exigunt dies, ad
mensures securitatis, & quietis ex temperamento victoriæ sui apprope-
rant. Cedit cum rota instabili, cæca rerum Domina, quando cæle-
stis fortunæ fuit initium. Experire veritatem in RVDOLPHO,
cui permagno stetit, detulisse obsequium cælesti Imperatori, ob quod
nescio an inuenit Imperium an fecit? irriguus fons, ex quo magnis o-
stijis aluei processerunt; quidquid enim extremæ *Indiæ adorant, Siculi*
colunt, Hungari, Bohemi venerantur, Romani æstimant, Balares
Insulæ verentur, hinc est effusum. Amplector in RVDOLPHO
amicam hanc cum cælis consuetudinem, quæ prælogo iam Te O RE-
GINA explicauerat successu vt Diuino Austriacus sanguis ab eo ince-
pisset consilio, ijsletq; in Tuam hodiernam Coronam cælo applauden-
te tantæ Maiestati. Nec aliquā longitudine seculorum interiecta se-
ries decipit, quod fuerat ab orbe æterno proclamatum. Amabili vin-
culo Augustissima hæc surrexit Purpura, adeoque in apice summo di-
gnitatis fundita, vt sit extra omnem admirationem, & miraculum,
eam in Coronis semper regnare, imperare. Primus hic, ne longius abe-
am, primus gloriā, & rebus gestis, omnium seculorum, omnium na-
tionum, omnis memoriæ facillè Princeps RVDOLPHVS, PARENS
Austriaci splendoris, vitæ Actor & Auctor, fortunæ Hæres, memoriæ
Antesignanus, nominis propagator, cuius pietate, laboribus inchoa-
tum, simul firmatum Imperium, virtute stabilita auctoritas, consilij
aucta exaggerataq; sedes, cuius summā auctoritate, incredibili sapien-
tiā, pietate cælesti, ac fide inuiolatā, vis Legum in Senatum, grauitas
Iudiciorum in Curiam, Maiestas in Romanorum Imperium est intro-
ducta. Effulsit primò hoc eius pietatis documentum in illo bello,
quod pro *Ottocaro & Venceslao* filio eius gessit, dum ei ereptas per
hostem Prouinciās, & Bohemiam quæ sceptris suis tumuerat, resti-
tuit, adiecit, & quidni adiecisset? pro cuius Armis S. MARIA tessera
victoriæ prima (in qua Genti Austriacæ magna fiducia, vt fidem facit
memorabilis in *Ottomanos ad Naupactum* victoria, cui idem nomē

prælio pro tesserâ legebatur) fuerat. Vinci medius fidius nusquam
 poterat, qui DEVM & MARIAM obsequio suo deuicerat, quorum
 spes inter ancilia, velut palladium Diuinitus sibi datum putauerat,
 hosq; victores in bellis, congressu cum hoste, semper agnouerat, ha-
 buerat, jactauerat. Felicem *Vence slaum* qui amisso Patre RVDOL-
 PHVM Parentem affecutus, dum eius Filiam in vitæ sociam assum-
 pisset: sed feliciorem RVDOLPHVM, cuius liberalitas Regno maior,
 eousq; processit, vt dum tantum alij cum Filia Regno dotata præsti-
 tisset, certiore omine Bohemicum Diadema Austriaco vertici despō-
 disse. Aliquando parua dos in magnam hilaritatis cotem cedit,
 reditq; sua ad limina cum fœnore, quæ elocata cum pietate in filias
 & charitate. Impleuit satis abundè ad mensuram, satis copiosè ad
 præmium, illud antea actum argumentum, quod non alijs debuit ter-
 minari sequelis, præter Thronos & Coronas. Paratus ad Maiestatem
 inaugurandus venit, cui virtus capiti Coronâ prius imposuerat, quàm
 dexteræ: prius humanas voces Diuinum Oraculum anteuertit, quod
 mutari nusquam potuerat, quàm spectaculum ostenderat. Processit
 in Urbem coronandus, tot cætib; populorum spectandus, & iam ar-
 rhabone illo humilitatis coronatus; virtuti namque cum par merces
 dari non potest, præter ipsam Coronam, decebat vt eâ & interris digna-
 retur: hæc tamen virtus RVDOLPHI inæstimabilis, cum omni seculo
 maior, omni præmio dignior fuisset, non vnus Diadematis includi
 angustijs, sed omni æuo in posteris & in Te hodie SERENISSIMA
 REGINA debuit coronari, quo ipso ad nominis virtutisq; tantæ ere-
 ctus, & per ipsum Numen euectus visus est, qui supremam Consilio-
 rum publicorum vnam, arbitrâ manu versaret, & totius Imperij sui,
 Regni Bohemiæ, Archiducatus Austriæ, totque aliarum Prouinciârû
 sortes, summo Regiminis calculo consignaret. Superbiant licet Mace-
 dones, Pyrrhi, ac Xêrxes, qui per hostile tabum per colla perq; cadaue-
 ra, Regni Thronos conscendebant; nihil ad nostrû RVDOLPHVM,
 cuius & non alius vsquam amplior Orbis terrarum, Imperio stetit
 fulsitque: illi quippe multitudine armatorum, hic ipso virtutum satel-
 litio, illi tormentis, balistis, & tot bellicis instrumentis Prouincias suæ
 potestati subjugârât, hic pietatis ac humilitatis telo, Coronas pro-
 meruerat, & amplius, quo se porrexisset honor eius, non habuerat, v-
 berrimos campos Austriacos reddiderat, optimis eos excoluerat prin-
 cipijs, in quibus felicitas sæpius germinat Cæsares, Reges Thalami
 & Throni, quorum non à priuato meo calamo laus petenda, sed ipsius
 Austriacæ & Polonæ Aquilæ pennis vulgâda efferendaq;, non ex vm-
 bratili parietum Academicorum censu æstimanda, sed publici præco-

nij ene
 licissim
 in suo
 tramite
 premar
 stas, &
 natalit
 litatis
 BERV
 pari ex
 pia in
 ætatis
 uerent
 uis ma
 stigio
 suam
 cum r
 quos f
 phato
 in pa
 ditur
 Splen
 vnico
 access
 vteri
 ad in
 entiâ
 antijs
 bavit
 ciuili
 dente
 cerui
 cient
 to sib
 ad ca
 gusty
 ex ho
 ciner
 obte
 milin

nusquam
quorum
putauerat,
ouerat, ha-
RVDOL-
am assum-
no maior,
ata præsti-
tici despō-
em cedit,
te in filias
copiosè ad
debut ter-
Maieſtatem
erat, quàm
rtit, quod
Processit
, & iam ar-
par merces
erris digna
mni ſeculo
tis. includi
ISSIMA
tantæ ere-
o Conſilio-
imperij ſui,
rouinciarū
icèt Macer
q; cadaue-
LPHVM,
erio ſterit
tum ſatel-
incias ſuæ
onas pro-
buerat, v-
erat prin-
Thalami
ſed ipſius
n ex vni-
ci præco-

nij encomio penſitanda. Nullus certè vulturum obex intercipient feliciſſimæ huius Aquilæ curſum, quæ tota in conſervationem pullorū in ſuo nido natorum exaltata, eoſque circumſcripto virtutis volabit tramite, donec æuiternæ ſecuturi tēporis illata memoriæ, ad ipſam ſupremam bonorum omnium æthiam ſeſe extenderit. Tabida vetuſtas, & ſeniles anni, ab Herculeo ritu eam non arcebunt, quæ ſemel in natalitijs æternum fontem deguſtauit, n eoq; ſe ad profundum humilitatis ſubmerſit. Iuit virtus hæc illimi, incorruptoq; tractu ad ALBERVM I. Imperatorem Romanorum, qui RVDOLPHI animum pari excepit generoſitate, non alio pectore ſalutauit. Sæpius principia in alijs efferueſcentia videmus, quæ vbi ex prima glacie ad lubricæ ætatis licentiam, & campum deuenerint, flacceſcant potius, non reuerentiam illam ſenij exerceant. Faciliùs primogenita virtus ex paruis magna facit ex infimis ſuprema occupat, quàm Nepotes in ſpei faſtigio conſiſtant; abſq; trutina & iuſto pondere in ipſis ceris ignauia ſuam locat gloriam, quæ languidè toties tepore ad domesticum focum reſoluuntur, & multos indignos Heredes Orbi victos relinquit; quos ſui ſtemmatis victores, genethliaci cultûs, ſortiq; natiuæ triumphatores fieri opportuiſſet. Securitas ipſa aucto inflata mento, quæ in patrijſ titulis alienoque ſplendore lucem ſuam fundat, ex alto truditur, & tenebras per illam ſocordiam iniquâ metamorphoſi acquirit. Splendori Auſtriaco nunquam cuiſmodi tenor, vbi ne radio quidem vnico Recti & Honèſti in Hærede decreuit, imo tot egregiè factorum acceſſione ſuccreuit. Nouerat ALBERTVS bene fundatam virtutē. vltiori firmâſſe gloriâ, ſciuerat Maieſtatem, quæ aliquando prona eſt ad iniminutionem, ſublimiùs erexiſſe, dum Solium ciuilitate & ſcientiâ rerum gerendarum, Legum iuriumque integritate geminîs quaſi antijs ſtabiliſſet. Ex bono fundamento reſ vltior non alia acta probauit, quàm vt felcior ALBERTI animus cenſeretur, dum in ſacra, ciuiliq; adminiſtratione, iurium propagatione, illo imperante, prudentes, fortes, Aiaces & Neſtores naſcerentur. Agnouerat in ſuis ceruicibus hoſtis ipſius magnanimitatem, dum ad tristes Martis ferocientis tubas, ad inauditas non abſq; ruina duceretur choreas, ignoto ſibi eius Ducum choragio ad tumultum ſubſiliret. Nollem vocare ad calamum illius victorias, non enim capacitas mea eſt tanta, vt anguſtys obſtrepentis chartæ eas comprhendat quæ tot locis reportatæ, ex hoſtibus pluribus collectæ extiterant. Vritur hucusq; ipſis eius cineribus *Salisburgenſium* audacia, quam faciliiori niſu, armorumq; obtentu domuerat, & robore, ferociâ, ac viribus ſuis ſubnixam, ad humilitatem reduxerat. Peſſime & *Moguntinis* inconſulta temeritate

cessit, quæ non iam benignitate sed seueritate, non oculorum clementi aspectu, sed armatarum manuum vigore ad reuerentiam est coacta. Cement & post annos *Tbeutones*, qui sub ferali cupresso fortunam suam plorauere, Austriacum verò nomen sub immarcescibili lauru, decantauere. Viuet ALBERTVS Bellator omni alio maior, & sepulchralem nesciet iniuriam, qui duodecem præliorum victor, orbi ad stuporem, barbariei pauorem, hostibus terrorem, vltierus suo nomine & in posteris effulgurabit. lactet se *L. Sicinius* ob ingentem fortitudinẽ *Romanus Achilles* vocatus, qui centum viginti prælijs in hostem pugnauerat. Superbiat *Pompeius* tot Regum, & nationum Triumphator; nunquam tamen Alberto pari viuent memoriã, qui semper victor virtute, fortunam comitem habuerat, quam illi in dubio Martis euentu incusauere. Non propter vsum, & peritiam solùmmodo bellorum, quorum tractiuam vim, à RVDOLPHO Austriaco didicerat, sed etiam propter igneam quandam mentis acrimoniam, propter illam rerum gerendarum dexteritatem, Iuris Civilis scientiam, omnium tentandorum peritiam, quibus ardua quæq; & nodis plena negotia facillime penetrarat, penetrata dexterrime susceperat, suscepta velocissime promouerat, promota dextro Hercule expedierat, & ad amplificandam Gentis suæ famam, direxerat. Idem animi vigor sueto istis Heroibus tractu trãslatus in FRIDERICVM PVLCHRVM, qui viuido sanguine per propagines haulto tantopere ad excelsa & ardua non sine difficultatibus assurrexit, vt dissidijs septemuitatũ obicem se posuerit. Sinistras in se non agnouit cæli iniurias dum vota ejus diuite incremento maturauit, feliciq; ejus successu compleuit. Tempestiuẽ abstrusos fallacis plausũ laqueos dissecare nouerat, & sagaci ratione glomerantes in nodũ Gordium technas præscindere sciuerat. Oedipo non inferior, qui malorum sensus, in suum Imperium contortos, candore, subditorum ad errorem descisciente resoluebat. Non defuerant illi ab altiori ordine fauores, transcriptam desuper, in turbine ac bellorum Ciuiũ motu, inter dissensiones varias habuerat formam, non ita pridem à Prædecessore promeritam, quæ gratiore comptu in sublunaribus ei facilitatem comunicarat; nimirum ne strictè virtus in se sola maneret, æmulum his procellis *Ludovicum Bavarum* opposuit, non vt diuisum cum illo Imperium haberet, verũ vt ex hoste virtutem suam solidaret. Majori ducebatur respectu cõmunis Boni, quàm priuati; dum non sub augustis propylæis, ambitiosã fumosarum imaginum ostentatione distinctis, sed Orbiũ supernorum injurijs, non in otio domestico, sed in labore hostico, nõ ad mensam cum Apolline, verũ ad stagna & rupe cum Marte, non

in ve,

in vena
uarum
iano, in
quind
vmbon
nes Sce
integri
victori
quam
ingenio
felices
pericul
giendo
striacus
dato, q
foetido
ætatis
celerab
serere
nondu
rat. I
men. f
magna
crepun
namq;
tis fer
purpur
terricu
in corp
nolunt
fuit ad
luis M
pueriti
prius a
penetr
tunæ
inualif
fortun
nugine
primat

in venationibus cum Augusto, piscationibus aureis cum Nerone, syl-
varum amœnitatibus cum Pericle: sed in puluere Olympico cum Tra-
iano, in ludicris cum Bellona, in certaminibus, & conflictu per integros
quindecim annos morabatur. Prætulit, cum de patria ageretur,
vmbones & cassides Coronæ, pilas militares lusui domestico, mucro-
nes Scepbris: ita tamen ut & Majestas haberet splendorem, & patria
integritatem. Haud dubia illi quamuis in ancipiti fortunæ euentu
victoria, cum hostibus suspectis, finitimis, diti apparatu confitis, nun-
quam succubuit, imo inter periculosissima, grauissimaq; prælia, tam
ingenio, quam gladio decertauit, irruere in mille mortes eligebat, ut
felices in pace horas, dies salutes subditi numerarent, & alacrius in
pericula, totq; discrimina prorumpere, ut Imperium marcidos effu-
giendo singultus, tranquillum, ac floridum foret. Viguit hic Au-
striacus Splendor in ALBERTO il. ad virtutem, dignitatem & gloriâ
dato, qui Hercules alter censebatur, dum ad huc inter pueriles Bullas
fœtidos angues suo Imperiò adlibitantes elidebat. Adhuc primo
ætatis pubescebat flore, & iam ad Autumnû comòdorû pro patria ac-
celerabat, vix pedibus incedere, & iam manus hostilibus turmis in-
serere sciuit. Num alter Phœnix huic Achilli comes datus? quòd
nondum in acie, & iam victor, adhuc in cunis, & iam Pentathlû ege-
rat. Infelix quod Parentem ipso annorum suorum vere amiserit: ta-
men felicitatem aliam nactus quod in cunis magnæ satelles famæ,
magnam de se vniuscujusq; cordibus spem texuerit. Proficius ille in
crepundijs cibus, pro delicatissimo ei cesserat incremento; viuendo
namq; cognatæ virtutis succo semel innutritus, ingenti spiritu, Athlâ
tis ferme robore, animo heroico ibat in hostes, & quem origo
purpurata sublimi intinxit colore, ut ad formidolosa cæteris bellorum
terriculamenta nusquam expallesceret. Inuenies multos maturiori
in corpore, qui nedum vulnera sua, verum & hostis infensissimi videre
nolunt, & pleriq; suum sanguinem aspexisse scaturientibus venis satis
fuit ad spirituum defectionem. ALBERTVS noster, præducibus
suis Majoribus, ad punctum hæreditariæ gloriæ talem se gesserat in
pueritia, qualem in prouectiori ætate aduersarius agnouerat. Equidẽ
prius ad hostes virtus optime fundata Nepotis teneri, quam gressus
penetrauerat, prius infallibilis strages, non dubia horoscopantis for-
tunæ clades, quam insperata formido & terror animos perduellium
inuassisset. Modo primûm conjecturâ assequor, quid sibi fata? quid
fortunæ lusus cum illis velit; Patruï nempe custodes primâ adhuc la-
nugine puberi dantur Infanti, ut inter illos secum dissidentes, & de
primatu digladiantes pupillus victoriam obtinuisset, quod non aliter

factum, quando grauissimis casibus, virili gressu annos pueritiæ, quantocius sub nouerca Fortuna prætergressus, grauis jure merito nuncupatus. Recepto paterno auitoque Principatu *Bohemie & Vngarie* Sceptris intra annum insignis, per Coronas Regales, ad Imperatoriam, vnanimi voto, consensuq; vocatus peruenit. Optimè cautum Imperatorio æstimauit deposito, quod puerilitratu, sub remige virtute ad auitos honores veheretur. Non bene immeritis Fasces conceduntur, non securè ex alieno fulgore viuatur, meliùs illo impetu agi, qui per natiuas inspersus venas, gestorum celebritate coruscabit. Sistit in vltiori circo sua tela Fortuna, nec quidquam nocere potest huic Nepoti, qui à primis curriculis, spretâ ejus ferociâ, non gentilitij Sanguinis tumens concilio, sed proprio nixus feruore, eo genij bellici procedit circumactu, vt cum suo merito ad audiũ, tanquam Centrale punctum acceleret. Eam ego centè per ALBERTVM II. in augusto sanguine Austriaco normam regnandi suspicor, quem conjurati ætheris robur, coadunatâ virtuti gloria, gloriæ virtus, in vera effusa elogio, ita monstrant vniuersis, vt fateamur eundem in *Tolonia, Gallia, Hispania*, virtutibus triumphare. Delectauerat aliquando non vnum ille animus Epaminondæ, qui tum denique sibi auelli spiculum iusserat, posteaquam ei percontanti dictum fuisset clypeum saluum, vt etiam in vulneris dolore, æquo animo cum laude obijisset; verùm longè præstantiori modo delectare potest Austriacorum vigor, qui à primo illo in hostes impetu ita feruet, vt ejus oppositu & Arx summa Orbis, Roma, hostes intrepido spectet animo, & sacræ ædes optatis successibus perfruantur. Feliciora sunt ejus, quàm Agamemnonis scuta, sub quibus consistere omnibus tutissimum vtpote ad expellenda pericula, ad submouendos hostiles impetus virtute illorum Numinum comparatis, nec tantum puto audaciæ assumeret hostis contra potentissima hæc arma, quæ vbi nistant, ibi nec assurgere iterum cuiquam concederetur, periclitari namque cum vsquam difficile, cum quo artifex in Corona DEI manus pugnat, & adlaborat. In ALBERTO II. verissimum apparet testimonium, quod semper conscientie fides posteritati vsq; perhibebit, ei quippe calamus haud potest esse par, qui ejus pace & bello gestas, domi & foris expedita negotia ex Throno & tentorio porrecta consilia, ore & gladio cumulas, laudes, justitiam omnibus imitandam, fortitudinem hostibus metuendam dignè vnquam prosequeretur. Sciuit à pietate firmissimè Regna inchoari, quæ ille hac virtute Prodrômâ felicissimè administrauerat, atque isto munimento Imperium vallauerat, vt ad illud accedere, tam latè calcata vestigia obterere, nulli

vnquam

vnquã
contra
merita
ad ciu
cornua
meridi
de tot
mendi
est pro
Aquilã
fortitu
Imper
rubore
Aquil
perare
& cum
excurr
egerun
aliena
perato
uisset
mam,
sic. I
suo ex
fissim
turpis
fragon
isset,
liquit,
pis ho
Tui. S
lation
animu
nostra
perato
vestra
ac po
Sangu
stinat
set, q

vnquā hostes præsumpsisset. Superat semel ausus & armis *Anurates*
 contra *Austriā Austriacumq;* sed ne *Gigas* contra *Herculē* eodem te-
 meritatis & audaciæ luit penas, quo tempore cum sua potenti manu
 ad eius fines accessit. Voluit cum toto ortu hæc *Ottomanica Luna*
 cornua sua ad exterrendam Europæ magnitudinem extendere, sed in
 meridie fatalem Eclipsim passa, & quæ splendore alieno arserat, suum
 de toto amisit. Mirari magnam se tum temporis destitit, quæ
 mendico defungi obsequio solita, cædibus illis & sanguine infamis
 est promulgata. Attonita illic hæsit, quando suillumini insistentem
 Aquilā aduertit, nutauit Splendore Austriaco collucente, cessit retro
 fortitudo, quæ Hungariæ oppressum Cæronam aduenit, ALBERTI
 Imperatoris manu conspectā, an auditā, vecordi fugā virtutem cum
 rubore elisit, suam inculdendo pedibus securitatem. Facili modo
 Aquilis cum Sole certare, & ardentes eius inconniuo oculo radios su-
 perare, eductæ minus hoc Sydus Ottomanicæ superbiæ obuelarunt,
 & cum totē sepiissent Thronum, vigilesq; versando in orbem oculos
 excurrissent, hanc Phæbem tortuosam cum lugubri squalore retro
 egerunt. Hoc duntaxat damni cum suspirio *Turca*, victor & inuid
 alienæ ALBERTO reliquit, quod Imperator Inuictissimus de Im-
 peratore ipso rumore & formidine victo, integrè triumphare non po-
 tuisset, siquidem solutā, ad ipsam accelerantis Christiani exercitus fa-
 mam, obsidione, ditionibus Hungariæ inglorius excessit, eripit, eua-
 sit. Mirabitur orbis magnanimitatem Imperatoris & industriam; qui
 suo exercitu omnia salua, integra in Imperio suo seruauit, hostiū den-
 sissimos cuneos paratiores ad cladem, quā in triumphum, in fugam
 turpissimam, ac latebras coniecit, non potentiā aliquā, aut armorum
 fragore, sed cæli injurijs, in ipso Martis puluere dum inuictus occubu-
 isset, Austriæ dum nomine, virtute, memoriā omnibus exemplum re-
 liquit, non domi aut in finibus expectandum, sed in patentibus cam-
 pis hostem esse quærendum. Hic iam ad nouam seriem Splendoris
 Tui SERENISSIMA REGINA meus calamus appropinquat, eò
 lætiori conatu, quo ab utraq; Maiestate sperat se illustratum iri. Auct
 animus, dum memoriā Tui auspiciatissimi cum MICHAELE, REGE
 nostro Clementissimo vinculi FRIDERICVS II. Romanorum Im-
 perator mihi repetit, materiam innouat, quam ex conjunctione hac
 vestra junctis à tempore tam longo cum præsentis, periodis implere,
 ac posteritati tradere mea mens ferbuisset, nī KORYBYTORVM
 Sanguinem cum Imperatoribus Romanis, Atauis Tuis, eorum de-
 stinatione, fœdera matrimonialia contraxisse, haud quisquam ignoras-
 set, quæ dum in Maiestatibus vestris hodie sunt in æquali Throno

confirmata, gaudendum mihi potius corde, quàm ampliandum char-
tâ existimo. Lucrabatur toties Polonia, quoties Solio suo ex Tua
Augustissima Domino Reginas adsciscibat, neq; abs re felicitatem ma-
gnam sibi adscripsit, magnis Coronas suas mentibus porrexisse, quæ
tantarum virtutum successus induerent, in vnum pactum amplitudi-
ne Decorum & fecunditate Regnorum assurgerent. Sed nunquàm
felicior se jactitet, atq; hodie, cum tradito, Clementissimo MI-
CHAELI Solio, ad idem exornandum Te Sociam inuenit. Fortunæ
sedes profectò in Sceptro Sarmatico nunc locata, dum paribus animis
eisdem manibus, quibus in FRIDERICO II. KORYBTORVM &
AVSTRIACORVM amicitia, in vnam Bonæ DEæ mentem, fascijs
æterni amoris, ac sacrosancti vinculi combinatæ sunt, regendum por-
rigitur Favorabiles in patriæ bonum, per Orbem Polonum luce hac
auspicatâ sphaeræ rotantur, quas KORYB: & AVSTR: Heroum re-
uolutus per ætates ac suppare virtutes Sanguis consignat, & circumit.
Nouus sese nobis, cum omnium felicitatum rotatu Zodiacus aperit,
non Arietis, Tauri, & belluarum, sed virorum, Imperatorum, Regū,
Principum, qui per dictos Augustissimarum Prospiciunt Cyclos, ac
Deferentes, in vnam delati Majestatem, miras cognatæ antiquitatis fe-
runt conuersiones, ex quibus quot in votis nostris concipimus (Deo
Auspicce) stirpis Decora, tot propitia Terris astra, spes est, quod euol-
uentur. Sit ex se cælis gloria, quod ex illo ditissimo armario, bene-
ficia sublunaribus redonent, & licet aliquando ad vota nostra non sint
clementes, tamen sereniori tempore nobis paria augmenta refundunt;
at ex nobis quoque summas hodie præcones laudes recipiant, quod
in Sinus Augustissimos Sceptra Nostra deposuerint. Sint & Tibi
FRIDERICE humillimæ grates, quod illo tempore amplam seriem
præsentium Majestatum Nostrarum feliciter inchoaueris, ex illa *Cæ-
cilia Korybutæa*, quæ summos Imperatores, & Te primum illorum,
Orbi prodidit. Tu verò quàm feliciter & sapienter rexisses Domi-
nium, mea non valet describere hyperboles. Vtraq; Cæsar fuisti, &
à pacata patria, & à Gentibus deuictis. *Pacifici* Nomen es sortitus, sci-
uisti odia restinguere subditorum, non arduum Tibi fuerat in aduersis
processus, in secundis moderamina conseruasse. *Fabium* Te totum,
& *Scipionem* efformasti, dum cunctando Imperium tuitus, pacatius
illud reddidisti, & hoc est Regium sine sanguine Thronū possidere.
Celebretur ille Cæsar, quod per hostile tabum toties suos gressus e-
gisset, quod vndecies centena nonaginta duo millia hominum vitâ
priuasset: crudelitatis ista sunt, nō clementiæ, Tyrāni, non Monarchæ.
A recta ratione deflexisset, quisquis crudelem, & impium bellatorem

Pompe-

Pompeii
Minerua
occisa, f
basset.
veram et
ditati su
lescere.
ruissent,
dam eff
magnam
& iuro
esse triu
FRIDE
perditis
simq;
venisse,
trum d
gnum,
CO, qu
sua, qu
nihil cu
perniā,
eluxisse
NVM.
ditas c
ciorum
tor Th
illuxit
tulum
mauit
cultati
sapien
in se b
juuent
nem sa
cilium
Habue
tumq;
zus ar
& sin

Pompeium cum iniquis æstimatoribus laudasset, illasq; in delubro
 Mineruæ inscriptiones, vices semel centena octuaginta tria millia
 occisa, fugata, & in deditionem accepta, legenti porrigentes, appro-
 basset. Obliti procertò fuerant, hi sanguinolenti Imperatores hanc
 veram esse viam ad consequendum gloriam, imponere frenos cupi-
 ditati suæ, imperare affectibus animi, neq; ob res feliciter gestas in-
 leskere. Latius suam mundo extendissent famam, si Æneæ Syluio pa-
 ruisset, qui magno cruore partam victoriam, pro victoria nō censen-
 dam esse affirmavit, cuius rei gratia prudentiæ laudem promeritus
 magnam *Alphonsus ille Rex Aragonum* fortunatissimus, qui lauro
 & auro notanda singulis Bellatoribus verba reliquit; Rectius nimirū
 esse triumphandum ob hostes seruatos, quā internecioni deditos.
 FRIDERICVS ad maleuolas Principum, subditorum mentes, ad
 perditissima dissidia feritate non est vsus & potentiā, sed carptim sen-
 timq; diminutis eorum viribus ad concordia cunctos mutuo fecit
 venisse, sanius iudicauit externis obrui armis, quā ciuiliſ odijs thea-
 trum domi videre, quod quia exitiale, cum eo corruit quoduis Re-
 gnum, & bis cadere censetur. Non cecidit vnquam sub FRIDERI-
 CO, qui annos tres & quinquaginta in pace & securitate tam salutis
 suæ, quā patriæ Imperium administravit. Ssterisset hinc *Augustus*
 nihil cum *Friderico* sublimius in Majestate habuisset, cui par regendi
 peritiā, imperandi diuturnitate superior. Liberalius tanta vt
 eluxisset virtus, omni cœquata gloriæ, translata in MAXIMILIA-
 NVM. I. cuius Augusto vertici pietas cum splendore dedit Coronam,
 dit s cælorum manus secundā auxesi texuerunt, & per larga benefi-
 ciorum Defluuia transmiserunt. Non nomine tantū hic Impera-
 tor Thronum prehendit, cuius nomen ante ipsam lucem cælesti dono
 illuxit, re sui temporis Regum MAXIMVS, MAXIMILIANVS, ti-
 tulum gessit, qui molem rerum à se gestarum Orbi præsentauit. Fir-
 mauit Imperium suum bellicā prudentiā, dum toties è maximis diffi-
 cultatibus sine tamen difficultate illud explicuisset, stabiluit Solium
 sapientiā, dum literas iam ad vltimam barbariem inclinaras, Europæ
 in se beneficentissimo Mæcenate restituit. Dederat vitam Regno,
 iuuentuti mores, vrbiq; formas, honorem dicendi Magistris, dignatio-
 nem sapientiæ Doctoribus, dum sub eo spiritum, sanguinem, & domi-
 cilium studia recepere, quæ ante eum, negligentia exilijs multauit.
 Habuerat illas & ipse in reuerentia, complexu, oculis, & auribus, tan-
 tumque dilexerat, quantum ab ipsis probatus fuisset, vtramq; comple-
 xus artem, quæ locat vnumquemque in amplissimo gradu Maiestatis,
 & sine qua nec Constitutio Rerump: nec bellorum felix certamen,

nec Regum Dominatio rectè expediri possunt. Per hanc magnificum illi fuerat, Ciuibus iura, Incolis leges, fugam hostibus & fatum præscripsisse, speciosum per immanes campos, sellâ curuli & Apollinis sede, victorisq; vestigio terram pressisse, imminuisse, ripis minacibus tutum iter reddidisse, barbarorum fremitus spreuisse, hostilem terrorem non armorum magis, quàm togarum ostentatione compescuisse. Reuocauit pristinum vigorem sapientiæ acquirendæ, quæ antea per conclauia & loca angusta quærebatur, quâ singula mala ex Regno expelluntur, & bona adducuntur. Quis enim Libonem promouet, aut fouet? idem qui euerit, quis auctoritatem summam tribuit senatui? idem qui per cruditas Leges cum relinquit, quis Chaldaeos consulit aut Magos? idem qui ex vrbe eos eijcit, atq; auersatur. Quis stultitiam cuitat, Imperium ampliat, Majestatem erigit? idem qui literas fouet, reuocatque, quarum beneficio aliter cum Thrasimacho, Platonis vulpem, aliter cum inuictis Ducibus indolem & animum Leonis quisque præferre potest, his qui per vitam exsudat, posthumis eius facta & virtutes madent profluuijs. Non mediocris MAXIMILIANI I. auitæ militiæ Restauratoris, hoc ex fonte prædicatio & adorea præteruehitur, quod in sua vita per hoc insigne facinus nullum punctum temporis aut præclari operis sterile, aut vacuum laude fecerit fidelissimè, non alia major eius gloria cum præmio, quàm quod in gratias agentium cordibus, in illo sapientiæ oraculo viuet, quiescet, Triumphauerat de hostibus per gladium, sed victor per Lycæa deprædicabitur, enarrabit fera posteritas alijs gloriosorem procul dubio ejus laudem fuisse, quam, prudenter extinguendo conjurationes Principum, non satellitio sed industriâ, non sanguine sed virtute, continuauit, rariùs illo Imperante quispiam gladium vaginâ prope vacuum viderat: maximum tamen victoriæ fructum decerpserat, In illis namq; quotidianis conflictationibus atque æstu dissidentium animorum quam probasset animi constantiam, quæ commoda Imperij, admirabili suâ sapientiâ reddidisset, qua fide, felicitate, robusto pectore ampullatos, & nimium in rebus suis tumidos, ad reuerentiâ flexisset perduelles, quis aut Eloquentiâ, aut sagacitate tantum valet, vt id eloqui possit. Opposuit fraudibus prudentiam, temeritati patientiam, ciuium simultati fidem, per quod limites suos ampliavit: Nestori simillimus comprobatus, cum multorum inimicitias intolerabiles, odia acerrima, dissidia atrocissima in omnibus negotijs temperauit. Durabunt hæc æternitati defixa multarum victoriarum in bellis & animis Incolarum monumenta, vigeunt trophæa, in nomen Austriacæ Gentis, ad Splendorem Tuum O REGINA? ad famam &

reco-

recon
grati
tatis
jure
præ
factas
clarue
rit, ce
corpo
validi
umph
lum
mirar
potue
Prou
lescen
rijq;
multu
dem,
perfe
disse,
dam b
tificio
fortun
ille ter
mine i
comite
ac fata
tiâ sed
ciden
consili
uersa
quam,
stes, ac
tis, Pa
pæmen
discipli
tati Pa
bus me
cet im

recordationem, Vestrae gloriae immortalitatem. Latior exinde mens,
 gravior oculus assurgit ad CAROLVM V. Religionis Austriacae, pie-
 tatis auitae acerrimum cultorem, aetatis nostrae, ac omnium seculorum
 jure Magnum, verè primum Principem, Ponderet hic quisque, & tã
 praeerit, quàm retroacti temporis felices victorias, res prudentissimè
 factas ponat in lancem, quantis Austriacae Aquilae de hostibus spolijs
 claruerint, quantis Corona illa ex CAROLI Majestate laudibus fulse-
 rit, certè virtus quo ultra ascendisset non habuit, quae ante lituram, &
 corporis aetatem effota, prae rationem humanam, tam citò enutrita,
 validissimos tam in campis, quàm Laribus, tam in praelijs, quàm tri-
 umphis difficultatum sensus ita distinxit, vt temporibus stupere so-
 lummodo, ac obstupescere super facta permisisset, calamo autem ad-
 mirari. Praenuntium illud futuri Splendoris quisq; in illo advertere
 potuerat, dum ante decimum sextum aetatis suae annum *Belgicas*
 Prouincias suae potestati subegit, in illo flore, ex vere ad aetate Ado-
 lescentiae transcente, Regna *Italiae & Hispaniarum* possedit, Impe-
 rijq; Romani decimo octauo anno habenas suscepit. Dixisses ab illo
 multum dignitatis ante tempus acceptum fuisse? at ne minimum qui-
 dem, dum tam maturam virtutem, adultam mentem, Splendorem
 perfectissimum Regnis, & Imperio attulisset, adeo, vt plura visus de-
 disse, quàm accepisset. Ingens me hercle spiritus, animus Diuino quo-
 dam beneficio dotatus, qui mirabili magnanimitatis & virtutum ar-
 tificio, tot augmenta sustinuit, & illorum Regnorum ipse semper idè,
 fortunam capere non nequiuit. Ille verus Patriae Pater, ac murus,
 ille terror hostium, vasticies ac fuga, quos aduentu solo saepe, imo no-
 mine ipso diffilarat, qui virtutem campis suis implantatam semper
 comitem, inter pedissequas fortunam habuerat, qui procellas omnes,
 ac fatales Regni tempestates Majestate nominis discusserat, pruden-
 tiâ sedauerat, cuius solas cogitationes Oriens vt olim Pompeij, & Oc-
 cidens tremuerat. Hic Parens omnium subditorum, autoritate,
 consilio, omnes longè lateq; patentis vias reclusit, portus aperuit, di-
 uersasque gentes ita commercio coadunauit, vt quod genitum esset vs-
 quam, id apud omnes natum esse videretur. Fortissimus contra ho-
 stes, acerrimus propuguator Senatûs, Defensor subditorum volunta-
 tis, Patronus publici confessûs, Restitutor salutis ac integritatis, Philo-
 pæmenis Principis doctrinae imitator, qui prudentiam, ac omnigenam
 disciplinam transtulerat ad vitam, nec sibi tantum ac otio sed utili-
 tati Patriae, commoditatibusq; suorum sapuerat. Omnibus Mobili-
 bus mobiliorem esse sapientiam ex oraculo accepimus; hæc enim li-
 cet immota in se nec ad opinionem flexilis; ipsis tamen temporum

momentis ira accommodatur ac seruit, vt cum eis volui videatur. Hæc in CAROLO admirari iustum est, quæ ad defensionem Patriæ, ad æternitatem animorum, ad præmia fortium hominum suis exemplis, suis rationibus mouebatur, legem dabat ipsa quidem, sed & sequebatur, neq; Majestatis suæ injuriam rebatur ea iucunditate regendis præesse, vt ipsa vis, quâ singula reddit sibi obnoxia, & ad intentionem suam veluti trahit, esset potestas simul & obsequium. Par in utroq; Archita, Xenophonti, Pericli, Fabijs, & Marcellis Cæsaribus, qui cum sapientiæ studijs claruissent, etiam belli fulmina extiterant. Ita gestabat Coronam, vt hostes immortalitate eum honorarent, quem si Hectorem in prælio, Nestorem in suffragio dicerem, parum dicerem, qui numero & pondere victoriarum, prætergressus Herculem, & prudentiâ Viyssem, dum manus eius tot virtutibus domesticis & bellicis armata, plus vltra semper attentaret. Non sufficebat ipsi Hispaniam, quæ nõ ita pridem grauib; inter se ferebat bellis, sedare, Germaniã, Italian, & Belgas defendere, Galliam territorare, Africam expugnare, sed ad Americam vsq; felici nisu, & gradino Marte peruenire. Orbem totum, (quod ab eo vix capi potuit) tot victorijs, & laudibus cinxit; ita in omnes partes capacissimam mentem conuertebat, vt per hunc vnũ tot diuersos populos, gentes varias Imperio Austriaco, in adoratione cessisse crediderim. Non potuit quidquam audere *Solymanus*, prælioq; discernere, vel ipse *Tunetanus* optimè sibi consuluerat, in feudũ ac stipendium se totum tradidisse. Gemuerat & *Gallus* eius robore debilitatus, verũ & *Saxo* cũ suis auxilijs debellatus, ultro victas vinctasque manus ei porrexit. Omnes vel libertate, vel Prouincijs, vel famã minores, virtutibus & factis minimi, fortunam eius adorãrunt, de qua non infortunatè ipsis in cladibus, & atrijs triumphauit. Semina illa Austriacæ virtutis, quæ à Prædecessore accepit, eaq; circa ipsum cognitæ rationis florem in acie Martis, in vmbra Chironis iecit, in publico multis expeditionibus pro patria maturauit. Nullus locus inuentus, ad quem fama ejus non peruolaret, siue te conferres ad maria, illic CAROLI, amplitudinis Hispanæ Authoris, & Regũ ejus gentis Prototipi, virtus & gloria comes imo Prædux expectaret, quæ plenis per vada sinuoso vocis bellicæ impetu, omnes inuidiæ metas præteruecta, meauit vorticibus: siue alicubi terrarum fines ac terminos pertransires, vbique illius famam volitare, perciperes: siue demum ad loca deserta & inuia te conferres ac ibi vel maxime rupes concauas, & reddendæ tuæ voci idoneas reperires, vbi Echo sine intermissione provocata hucusque sonos trophæorum Imperatoris iterat, & vltima verba victrix concipit, ne prius videatur conticere. Abolitio nunquam co-

gitanda

gitand
fortitu
syderu
perio
tã pur
tas del
laude
liquiss
non re
peditio
duxit,
in se v
forstia
tientiã
taq; re
da, qui
ad FEL
ria, &
horum
Imperi
Solis, d
cis scat
bat hæ
giorum
ribus
qui su
gestoru
ni vis
ropa ex
vlla pa
Ferdin
suppar
Antec
Oportu
magnit
spectar
dimissu
Ac ne c
guinis
Non er

gitanda, cui eadem periodi, quæ principij fuere rudimenta, eadem fortitudinis, quæ & vitæ initia, anniq; eius tam ad virtutum, quam syderum cursum ac ambitum exacti, adeo, ut post tot absoluta in Imperio lustra, altior maiestate suâ euaserit, cum viuus Imperatoriâ exuta purpurâ, sacro cælum otio expugnârit, forsitan ideo, ne, qui multas debellauit gentes, plurima in Solio æternum perennatura cum laude expediuit negotia, se inexorabili Parcæ augustum Spolium reliquisset. Satis magnificum pectus, cum injuria suarum virtutum, non recedere; qui enim quadraginta in Toga, & Sago, terrâ mariq; expeditiones, Patriæ suæ, & Reip: causâ suscepit, in vna cadere ingloriū duxit, quas Maiestati illis potius esse maluit, ut ibi æuiterne clarerent, in se vno non extinctæ manerent. Pluribus immorantem, dies me forsitan defecisset, quàm materies laudum tanti victoris: sed abuti patientiâ Tua REGINA SERENISSIMA non est æquum, notaq; referre injucundum scienti: sed quia auet animus ad ea reuocanda, quibus inspicendis vna contemplatio non sufficit, lentiori manu ad FERDINANDVM I. descendo, qui itidem per Sceptra *Hungariæ, Bobemiæ, ditiones Ducatus Silesiæ*, cum illa *Anna Vladislai horum Sceptrorum primi Gestatoris Filiâ, & Ludouici Sorore* ad Imperium Romanorum descendit, cui geminam ex duplici Corona Solis, domesticæq; gloriæ lucem addidit. Rectâ, imo plenâ in Austriacis scaturigine ad Majestates, ditissimo virtutū dignitatūq; alueo fluebat hæreditas, & ex vnoquoq; Thronus limpidissimo factorum egiptiorum speculo gentibus ac populis, ad stupendum exposito lucidioribus radijs orbem incolorabat, neq; vnus decessu desinere poterat, qui suos pridem designatos habebat proprijs Decorum censibus, ac gestorū eminentiâ clarissimos Successores, in quibus singulis, animi vis incredibilis, labor insuperabilis, fortitudo & splendor in Europa excellentissimus, pietas natiua in DEVM, & patriam eximia, quæ vlla pars mundi non ignorauerat. Feliciter ergo successit Imperio *Ferdinandus I.* & eò felicius, quod à Fratre illud accepit, alium certè supparē tum inuenisse ferendo oneri haud fuerat, ne tã admirabilibus Antecessoris Solium ampliātū virtutibus in alieno sanguine viluisset. Oportuit, & decuit vnus animi in Theatrum inchoari, imo cōfectæ magnitudinis designari pectus, quod cuncta, quæ ad Majestatem illā spectârunt, nullo commotum pauore expleret, & ita efficeret, ut non dimissum à Fratre Imperium, sed in Fratre floridum, & vivax teneret. Ac ne quidem vigor ille euanescere potuit, qui per Augustissimi Sanguinis fibras diffundebatur, & prout in vno, ita in altero feruescebat. Non erat vel vnicus, qui FERDINANDVM votis suis ac honore

dignum inuentū esse non proclamaret, cui semper Fratēnus calculus, & illa, quam nullus hominum ponderare valuit, Majestatis æstima-
tio accesserat, neq; (ita sentio) purpuram deposuisset CAROLVS,
nisi parem Fratrem pro ea aduertisset. Quod omnium oculis breui
innotuit, dum pacem publicam, multis bellis Germani partam vnice
dilexit, conseruauit, non minorem ratus virtutem parta tueri, quā
querere. Latius Clementiam in necessitates communes ex suo al-
tissimo apice disseuit, vt potentiam omnem, è maleuolentia & sangui-
nis rubigine abstergeret: longius Splendorem Majestatis ad Ciuum
amorem demisit, vt luce ejus circumfusi, commoda suæ libertatis con-
necterent, vtilitates tranquillitatis colligerēt. Florebant illo impe-
rante omnia per oras Prouinciarum, per domos Ciuum, nullus secu-
ritatis suæ indigus, nullus opis jejunus, cuius pacis Princeps, consilio-
rum Arbiter, datæ fidei fortissimus Custos, æquisimus luriū Asser-
tor, rectissimus commodi æstimator, fructus bonos per conseruatio-
nem porrexit, quos sapore boni publici, ac salutis communis condijt,
maluitq; è suo quidquā perdere, ne commoda publica iacturam su-
birent, ideoq; munificentie ingenio, indigentiorū necessitatibus ad-
laborabat, domos vacuas, liberalitate contrahebat, casibus succurre-
bat, atq; omni studio laborabat, ne quis è subditis se Dominum ma-
gis atq; Parentem sentiret. Latissimum oculis ejus fuerat, conspe-
ctu Ciuum impleri, vt iam omnes Patrem munere liberalitatis expe-
rirentur. Et certè nullum est Magno Principe (qui vniuersis gratiam
suam appellantis vna ratio est) genus impendij dignius, nulla re-
gula, quā immortalitas obtineri possit, prior & certior, quā Clemē-
tia & liberalitas, de quibus in FERDINANDO celebrandis si omnes
ex omni ætate communi studio suam facundiam conferrent, omnia
tamen harum virtutum valore inferiora dicerent. Occurrunt hīc plu-
res in hoc Austriaco Splendore laudis & gloriæ summi Imperatores;
occurrit inquam MAXIMILIANVS II. in quo vehemens virtutum
maximarum riuus, pleno meritorum fluens tramite, ad ingentē Prin-
cipum, & Patris sui torrentem prominuerat. Non degener in fir-
manda Majestate, & in pace per innatam fortitudinem conseruanda.
Inualuerunt quidem ante prima ejus auspicia rebellium æstus ad san-
guinis proprii imminutionem detumescences, sed eos Summus Im-
perator prudentiā suā ita in herba suffocauit, vt intra modestiæ me-
tas se continere, & ob reuerentiam pænitentiamq; frigere debuerint.
Egregium moderamen bellicæ disciplinæ simul bellicæ adhibuit, vt
difficile iudicatu esset, num se in bello animosiores, an in pace mode-
ratiores, hostibusne formidabiliorem, an suis amabiliorem, fortio-

remne contra rebelles, an clementiorem in victos ac prostratos com-
monstrauerit. Per assuetas semper pietatis auitæ erabat imagines,
nihilque magis memoriâ tenebat, quàm tardas manus ad vindictam,
veloces ad misericordiam habere, non pro errore aliquo ratus ad se
inurias posse peruenire. Pejus cane & angue in aula sua linguas
Harpalorum fugiebat, seruilis ingenij inuenta è sincerorum conuictu
proscribebat, nihil magis quam veritati cum candore studebat, &
(quod ebore incidendum) tristem neminem Curiâ egredi sinebat,
secus ipse hilarius esse ignoraret. Dextro progressu & laudabili arte
immensa gratiæ & beneficiorum erga Patriam est testificatus argu-
menta, dum eam saluberrimis consilijs, autoritate, sapientiâ, muro
velut aheneo, & inexpugnabilibus præfidijs firmâset, quibus salus &
integritas pro omni æuo, ac posteritate durauisset. Nouis ex *Soly-*
mano victorijs cinctus, virtutibus vndiq; cõspersus, quas semper illius
licitatis vltimæ sequestras habebat, amore subditorum, affabilitate
Senatorum circumfluus, Austriadum famam imortalem, morte suâ
declarauit. Similibus ad conseruationem huius peraugusti Nomi-
nis viribus contendebat RVDOLPHVS II. quod alios non an- bit
Hæredes, nec consonas voluptati mentes ad suam canitiem deducit.
Multi magnarum rerum gloriâ, quam domesticus Splendor prius æter-
nitati comparando, consecrauit, laborem & diligentiam despumant,
rati duraturum ad præsens Majestatis suæ tempus, & futuram post-
humæ memoriæ famam: at felicitati plurimum subducunt Gentili-
tiæ, dumq; non properant ad augmentum gloriæ, vertiginem fortunæ
vel in ipso Stemmata conspiciunt. Rarò hæc in otiosis Nepotibus
floridam se præbet, potius sensus omnes infringit, conquisitaque à
tot Heroibus Decora ignominia vnus antevertit. Absit hoc à RV-
DOLPHO, qui Parentum gloriosum Nomen, cum omni feruore &
conatu, virtutum simulacris promouebat, & Marte quæsitæ victorias
ad æram posteritatis memoriæ suis identidem victorijs trans mitte-
bat. Maneat in alijs maximū dedecus, defædare hoc, quod venustū
acceperunt, in RVDOLPHO procul hoc absit, qui ad Majora, quàm
Majorum effecit labor, contendebat. Non vltimæ felicitatis agonē,
& terminum hunc sibi computauit, quod Imperio successerit Pater-
no, quòd bonorum amplitudinem, copiarum vim, potentiæ magni-
tudinem, subditorum frequentiam, censuum coaceruationem, diui-
tiarum molem, supellestilis totum apparatus, mensarum delicias,
popularis auræ voces, Coronæ demum, quâ nihil locupletius offen-
dit, Majestatem; verum ex virtutis Imperio, aut potius ornamento,
in hoc elaborabat, vt Magnis, Felicibus, Maximis æquior euaderet.

Euasit certè, suâq; industriâ, non alieno merito quæsitû Nomen ad
ad vastas spes deduxit, vt quemadmodû à RVDOLPHO I. Splendo-
rem suum AVSTRIA acquirere incepit, ab hoc II. lucem accepisse
videretur. Deprædicabit Orbis illius in regendis Ciuibus iustitiam,
fidem atq; moderationem, cum hostibus fortitudinem, quam vel
ipse *Ottomanus* in sua ceruice sensisset, ni illud tam inter Imperato-
rem, quàm Consiliarios suos obuénisset. Admirabitur in sacris fidē,
fiduciam erectam, renouatas locorum ruinas, in Ciuitatibus, vrbibus,
& Regionibus restauratum Cultûs Diuini Decorem. Paruam quidē
huius vitæ terrestis absoluit stationem, sed magnam, reducto ejus vir-
tutum immortalium sipario quisquam aduertisset factorum transa-
ctionem, non annis, sed momentis supputabat actionum Numeros,
quas itidem non terræ, sed cœli regionibus terminabat. Libeat hîc
ex famæ Austriacæ opulentiâ vlteriûs calamû adaptare, & longioris
moræ, quæ ex Te vel hodie SERENISSIMA REGINA in nos
omnes prominent carpere solatia, virtutumq; non ad calculum, quàm
vnicam chartâ vocare Splendores, quibus vel MATTHIAS I. Roma-
norum Imperator ad summa quæque & optima natus, Majestatem
suam, Ciues, ac Patriæ vniuersa loca serenauit, sensit hos ab initio
statim radios obcæcata in vera fidei luce Hæresis, quæ dum Principē
postularet, flammâ & Saturno vehementiorem agnouit. Contestatus,
in ipso Imperij limine suam fidem, ac eximiam, erga Patriam vo-
luntatem, ostendit se veræ pietatis hæredem, dum contra insolentiam
ingenium, in subitis casibus consilium, in aggrediendis industriam, in
perficiendis felicitatem, in reprimenda maleuolorum audacia facili-
tatem, imperterrito animo in se & suis excitauit. Nihil ei fuerat
in durum & acerbum, ita insolitum & arduum, quod non pro vsu
Majestatis promptè expedisset. Accessit ad Thronum, veluti
ad eum natus, non Tyro, sed perfectissimus Athleta, cujus indoles
ad publicam, multorumq; commoditatem cœlitus data, grauis illius
Alexandri maturitatem, *Alexandri* peritiam, *Leonidæ Spartani* robur
vix præferre. *Aristarchi* iudicio summè claruit, dum publico bo-
no, & communi intentus concordia, priuata fœdera decreto suo re-
sciderit, Elaborabat, vt illâ nociuam Christianitati pestem, ab Impe-
rio, Ciuibus oppressiōem, à templis impetitionem, à fide flammam
extingueret; semper ante ejus conspectum Diuina lex versabatur, co-
luit iustitiam, fidem tenuit, dictis & factis illibatam, confirmauit Re-
ligionem, refrenauit denique præsumptuosorum hominum odia, &
impotentes obreccationes, solius Patriæ charitate ductus; nam nul-
la potest inueniri illustrior beneficij amplitudo, nulla in lucem dari

quecunt

queunt munera, quàm cum omnium seruiant vtilitati, & nunquam à suo Domino auferuntur. Fortunæ rotatui opes subiectæ sunt, deflorescunt honores, dissuuntur amicitia, defluit vita, mors omnia confundit, vetustas tabida cuncta consumit, sola patriæ charitas, prudentia, religionis cultus, & quæ ab his proficiscuntur, immortalitatem sibi vendicât pretiosam. Frustra quis vibrat tela in Dominos, perfidorû lubrica brachia inaniter armantur, frustra curta potentia animâ, annô longas scitur Regibus esse manus? breui perjurus sarissas, quas acuebat, in se experietur, & qui struebat technas, fouebat foueas, ipse incidet in eas, illaq, malitia, quæ deliberato contra innocentem ruebat impetû, furorem alium conuocabit. Non errauit virtus vltior inchoatæ felicitatis in FERDINANDO II. imo amplior lux per immensa terrarum spatia resplenduit, majori ipsum fortuna exposuit per victorias admirationi, dum ab excessu MATTHIÆ, per varios casus eum iactauerit, & ex puluere primi conflictûs se deuictam ab illo luctuosè fuerit professâ. Triste ab initijs exposuit ipsi choragium, verûm tristiores in majori armorum choro est experta choreas. Progressus illi lugubres per irruptionem in *Germaniam Gustaphi Adolphi Suecicum Regis*, quid aliud portendebant? quàm victrices ex subsequentijs triumphis Lauros, & quamuis nulli ad Coronas ita fidem manumq; apposuit honor, vt non titubauerit aliquando: FERDINANDO tamen II. ita arrisit vt ex præcedenti motu, longiorem in vertice ipso solidaret tranquillitatem, firmaretque. Hæc vis namq; datæ à DEO potestatis in subditos, hæc infelicitas subditorum, vt ex ingratitude sentiant Dominos, & lapsu grauiore ruant, dum eorum gratiâ vti ignorent. Quid non tentat ambitio, bonum sibi auguratur, & rectum non inspicit, æternitatem sibi largitur, & præsens hora cum quibus fluat sequelis, non trutinat, aliquando ortum solis non expectat, & intempestiuâ nocte, intentione cuncta possidet, in vanum abitura. Sperat, aspirat, dominandi opinione sibi plaudit, arroganter inescatur vento, ideoq; cum sua leuitate terras peragrat, vbique regnat, nullibi certa quiescit, ad quod suus Cupido dulcore quasi flabello illam accendit, cum tamen sæpius deperit, & ob fallaces spes in seipsa extinguitur. Hæc animum *Fritlandi*, FERDINANDI Ducis occupauerat, & affectanti nimium, sed maximè sui impotenti Coronam, per Bohemiæ inuasionem promiserat: ast quam dispar exitus acta probauit, en qui ex officio debuit esse Defensor, erat proditor, nec diu inulta manent scelera, confirmantur FERDINANDO Prouinciæ, *Fritlandum* ab immisso percussore, vindice ipsa *Nemess*, in Arce amica necatur. Sic, non aliter pietas

Imperatoris bella gerebat absque impensis, absq; iactura praelia com-
mittebat, acies sine vulnere fundebat, arces sine fatigatione expugna-
bat, sine periculo vincebat, in triumphos sine praelijs ascendebat, &
sine omni procella imperabat, eius quippe principium, à cælo firma-
tum, vinculum cum superiori orbita colligatum. Hæc virtus ubiq;
patrocinator, nullibi deserit, artium in vtrisque castris propugnaculū,
Ciuitatum defensio, Regnorum murus, mundi totius fulcimentum.
Ter itaque felicem FERDINANDVM, cui cum fœnore illam con-
fusionem primam in Regno Bohemiæ, per victorias & triumphos
*Hungarorum, Bohemorum, Germanorum, Dacorum, Suecorum,
Gallorum*, pietas resarciuit. Optima praeludia, quæ compendio
nouus Rex, extra mentem fatorum peregerat, ac totam fabulam ho-
stium, & prædonum ruinis, sua verò felicitate & virtute contextam
explicuerat. Europæ totius populos, illas suppetiarum formas, in
locieratæ belli impetratas, vno casu Bohemiæ obruit, legiones pa-
lantes non sua seueritate, sed earum audaciâ ac temeritate, terrore
sparso prostrauit, insatiabilem dominatûs orexim suffocauit, & libe-
ros domesticosq; solummodo patientes vomeris campos, ad iuga fer-
uilia vocauit. Hi sunt ambitionis effectus, hi rebellium scopuli, quos
& ipse Rhæni Palatinus, propriâ iacturâ tum ostendit, dum desperatis
rebus, Principum conjuratione, suorum proditione Deusne, an for-
tuna pro Imperatore staret miratus, & se peccasse confessus, vltro ma-
nus victas dedit, pœnasq; subiit temeritatis. Neq; enim Virtus Au-
stria, ad Imperia, Regna, & Resp: nata tam modicâ fide innutrita,
vt ruinæ subiaceat, quam neque gladius à religione secernere potest,
quæ tunc tam fecundè ab illo rore desuper stillante vigorem in fauorib;
& gratijs mutuauit, vt germen illius in vberes victoriarum, de hostib;
quibus suis fructus prosperitatis, ad omnes actiones & conflictus ex-
plicaretur. Excurret iam meritiò vel ob hoc solum per amplius ma-
mea, in laudes FERDINANDI II. Patria, qui totâ vitâ suâ extra
cuius patriam vixerat, ipse hostis fateretur, qui has illius virtutes merè ca-
lestes in odio habuerat. Omnibus hominibus Recti, Honesti q;
amantibus, suæ famæ conscijs semper carus, sed superis ob illam
compositionem supernam virtutum, ad astra tendentium carior, à
quibus etiam nunquam deserebatur, imo in illis hostium cuneis eos
propitios agnoscebat. Viuet, ac per orbis extremi latices eius fama
circumferetur, quæ fastigium virtutis, ac felicitatis apicem tenuit
in terris, Solis splendidissimi lugalibus, In victorioso curru eius me-
rita, fides zelus, Catholica pietatis ardor, ipse juratus miles, aduer-
sum Romanæ Ecclesiæ hostes Imperator prouehetur. Et forte adhuc

paucio-

pauc
sed h
nem
men
nost
cord
tam
casti
DIN
tatis
perci
prof
mag
ris ex
actis
fecti
hinc
ynur
virtu
tidie
bitu
velle
detr
die
quar
aliqu
ma
non
nan
Aust
vide
per
cert
nire
quie
vigo
cap
le ci
Imp
can

pauciora dixi, quàm esset necessarium, SERENISSIMA REGINA, sed hæc saltem ad commemorationem virtutum, & commendationem Splendoris, qui in Te eminet, non ad calculationem; cum tamen ad eam Orationis propero partem, quæ non est præteruicta aures nostras, verùm oculis præsentibus facta, & recenti recordatione, in cordibus omnium penitus residet, & demoratur; quæ so à Te ut non tam habenas Eloquentiæ meæ infra meritum dicendorum hæsuræ castiges, quam recordationem suauissimam PARENTIS TUI FERDINANDI III. Imperator: Romanorum, paternæ virtutis, & felicitatis proximæ muli ac Hæredis, ex vera illius apothecæ grato animo percipias, nec quod in medium Tui proferatur duntaxat, sed quid proferri debeat, contempleris. Est profectò quod veniam precer; magnis nimirum animis minora, quàm Majestatis culmen & honoris exigentia laudum tentamina, deliquia sunt, & detractum specioso actis & factis cothurno creditur, quidquid non completum ad perfectionem gloriæ, triumphorum molem festinanter depromitur. Et hinc est, quod Oratorio impetu nolim, sacro perculsus horrore, ad vnum calamum reuocare Parentis Tui Palladias in utroque puluere virtutes, quæ ad fastigium nostræ ætatis, & secuturi æui infinitos quotidie aptabunt calamos, quibus posteritas non mediocriter delectabitur. Possem enim judicari quod ad exiguas strepitantis chartæ, vellem tantum lucis illius splendorem, & recte gestorum cumulum, detrudere angustias, quæ omnem excedunt capacitatem, quod vno die cogerem magnum ordinem vitæ illius in triumphis tam belli, quàm pacis peractæ, orbi enarrare, qui per singulorum censa capita, aliquot Excellentissimorum Oratorum lustra subiret. Atq; hoc prima memoriâ, & elogio dignum, quod circa Electionē illius flagrans non ita pridem odijs, atque bellorum certaminibus Germania, ad vnanimem concordiam animorum peruenit, cum parem Majestati Austriacæ reperire, nec ab orbe vastissimo æmulum virtutis offerri videret. Conueniens certè gloriæ præmium, pace frui suauissimâ per pietatis Hæredem, in quo summa fortuna cum pulchra virtute certauere, ac omnium judicio plus ei, quàm hominibus alijs conueniret, fuerit tributum; verùm fortis animus ad ardua semper nititur, quiescere diu non vult; quia sanguine heroico instillatus ad Martium vigorem summo ardore animatur; cuius causâ FERDINANDVS III. capessijt Sceptra ab armorum stridore, ac ferro suum caput Imperiale cinxit, ut dubium cuiq; faceret, num Diadema? num Galeam, quâ Imperiū ut *Scipio* Regnū meliùs tegeret, induisset, num etiam ad Vulcani eueruncandas artes, ferrea eradenda tempora, aureis viam, &


principium fecisset. Nec diu spes animos hominum obsederat, nulla enim ora, nulla sedes, & locus mansit, in quo non extitissent victoriosissimi Imp: pietatis, fortitudinis, animi, & consilij expressa vestigia. Multis regionibus ferri hostilis rubiginē deterfit, ferocientem superbiâ, ex primo aditu & formidine Rhenum cohibuit, Orbē terrarum non pedibus magis, quàm laudibus peragrauit, penes eos semper maior, & illustrior, quibus postea contigisset. Multum illi addidit famæ illa *Nordlingensie* sub annum 1634 victoria; quâ omnib' formidolosus hostibus, virtute autem admirabilior, dicamne amabilior; hujus namq; tantus Splendor est, vt in hoste etiâ posita mulceat & delectet. Non modicum ei gloriæ addidit pax anno sequenti *Pra-gæ* inita, quâ *Joannes Georgius Saxonie Dux, & Marchio Brandenburgensi* (Electore abdicato contra datam fidem, non tamen contra bonum suum & conscientiam *Sueco*,) Catholicæ vnioni subscribuntur, Imperatoriq; in deditionem obsequijs sociantur. Quid cæteras aduersæ factionis clades commemorem? quibus suæ supremæ potestatis terrorem addiderat; quid religionem? Iura S. literas, quas adeo complexus est, vt eas non floruisse tantùm inter strepitus armorum, verû & imperâsse armis voluisset: pro quo honore Musæ omnes cum suo Præside magis ad virtutes & facta eius immortalia inuigilabunt, quàm ad *Achillis* tumultum luxerunt. Hactenus virtutes Augusti Sanguinis Tui ex vrna quasi immorturæ memoriæ deprompsi SERENISSIMA REGINA & ex cadauerosa duntaxat illa vmbra feliciori visu relegi, quæ non vitreis columnis, vt quondam apud Aethyopes ad simulachra posteris proponenda includuntur, (quia hæ citissime franguntur & ruunt) sed in viuâ hominum memoria, expressæ earum idææ & species, vt Romanis mos erat, inciduntur, quibus Heroum animi, Ciuium pectora excitabuntur, nomenq; Austriacum pro Regula vitæ, & gestorum vsurpabitur. Promouet in vltierius meum calamum propitius æther, & plenum votis, rumentem desiderijs, animum, faustissimo expansæ AQVILÆ in LEOPOLDO, Romanorum IMPERATORE Fratre Tuo amantissimo, volatu conformat, in cuius vitæ præsentis (vtinam diutissimæ) elogio, non alia mihi lux, non alius virtutum Splendor, atq; is, qui Generi vestro ad omnes Regnorum & Imperiorum vsus, tam à diuturno Syderum commercio, quàm à natura concessus est, quæ in dies euentis clarior, vltra præsentium rerum statum feliciter effunditur. Illigare quidem Eloquentiæ numeris magnitudinem tanti HEROIS nolo, quæ præstantissimorum Oratorum omnem modum superaret, neq; res gestas susceptis Imperij Habenis ad vocalem ac-

cersere:

16

cerfere facundiam quæ vastissimas etiam paginas excederent. Ipsa
 per totum ambitum suum Polonia, eius investigabit laudes, quæ
 inter suæ fortunæ aculeos, magnum incrementum à parte Austriaca
 sumpsit, dum in illo injuriantis fati obice, cum *Leone Suetico*, in illo
Scytharum, Cosacorum, aliarumq; grassatarum legionum circumactu,
 per *Inuictissimos* FERDINANDVM III, LEOPOLDVM modernū,
Romanorum Imperatores vim, ac virtutem suam recuperavit, & ad
 suū antiquū prosperitatis, & gloriæ Decorē prouecta est. Adsonabunt
 & gentilitij applaudente ipsā Echo in cacuminibus suis repercusso
 murmure, eiusdem nomini, cum Carpathys Rupibus, *Rakocij* mō-
 tes, & media illa tam Generis, quàm volubilis fortunæ Rota, virtu-
 tem LEOPOLDI in alias partes rotari nescientem, meliori modo ad
 æternitatē circumibit, quā ipsis Cineribus ex immixtis rogis *Trans-*
Sylvaniæ excitis perennabit. Sapiūs vis expers consilij mole ruit suā,
 quæ frustra in *Rakocio* ad juga genethliaca nititur, vbi locò radiorū
 Solis, felicitatem falsò in sede superbiæ promittentis nobis ipse
 ruinæ improbo vertice miscetur, ac vastas spes noui Imperij cupidi-
 ne æstuantes vanissimā designatione adimplet, vt vel in proprio Stē-
 mate leuitatem cum vertigine fortunæ conspiciat. Modus eleuator
 suas frequenter alit niues, altitudine ipsā gelidus, cum ad tumorem
 nunquā verus perueniat ardor, & temeritas contra virtutem pugnās
 fulminibus vicina non rarò feritur in eam scandendo regionem, quæ
 suppliciorum Officina est, & cœlestis iræ penu. Ex altissima turri
 spectanti *Rakocio* semper est incerta oculorum acies, agitur verti-
 gine per inania Sceptri cerebrum, & in tanto motu executiendi jugi
 non constat neruorū firmitas, Majestatis reuerentiam habendo inter-
 positam. Non bene alieno fulciri auxilio, & ferrum ipsum hebetat,
 dum genuina ex oppositu virtus accedit; meliūs in aciem proprio
 Marte descendere, quàm adscititium vocare nitorem. Ipsæ *Rakocij*
Aquila, animo bellicoso destitutæ, vltro frameas projecere, cum fe-
 liciori auspicio, ab Austriacorum æmula Alite impeti cæperunt. Ve-
 rùm & *Zerinius* nuperrime ditionib⁹ *Croatia* & *Sclauoniæ* ardens,
 arentiori suspirabit rictu, quòd ex eluie, & gratiarum ingluvie, ma-
 num menti taminatæ junctam contra Maiestati tollere præsumpserit.
 Carcer ille solutus, vbi Aeolus tumidos ejus spiritus tenuit, & vin-
 culis frenauit, potentiam Imperatoris in Orbem sparget, & pulchrā
 auxilij virtutem producet. Nolo vlteriūs leui inuolare calamo, in
 omnia Augustissimæ Tuæ Stirpis o REGINA CLEMENTIS-
 SIMA, facta, neq; per vastissimum gestorum, Triumphorum vagari
 æquor; prius enim flexuosis imensarum rerum implicarer Mæandris,

quàm ad portū, per medium actionū deuenirē, prius meæ atratæ sepiæ
exsiccarentur guttæ, quàm plenæ, pietatis primæ & sequentis, periodi
darentur, locarentur. Sufficit, quòd cæli talem Te nobis Heroinā
dederunt, in qua omnium Austriacæ Originis lustrorum claritates,
gestorum nitores, triumphorum numeri, vitæ gaudia eminent, reni-
tētq; At ex se quoq; Splendor virtutum propriarum, magnam Orbi
Polono lucem inuexit, Eminentia intulit honorem, Maiestas inopiā
opacatum nouis coloribus adumbravit. Siue enim incedas? in con-
formatione corporis delicatas doses; siue dicas? in labellis Suadæ me-
dulla: siue videas? in oculis Charites: siue ores? in vultu Theode-
lindæ insidere videntur, vel arte sic efformatæ, vel sic impressæ Natu-
râ, vt non tam stupeam hanc rerum opificem (quæ tantā in Te ele-
gantiam depinxit) quàm amem proclui meā mancipatione, & sub-
ditâ reuerentiâ, Dominā. Frustra phaleræ, & illa affectatæ faciūdix huc
vocarentur pigmenta, vbi ipsa virtus sibi domiciliū extruxit, Splendor
hic, meam jejunam respuit pennam, qui pingui claritate, diutissimo
magnitudinis penu pulchrescit. Par Tibi ad immortalitatem lucta-
tio, cum illis extra naturam muliebrem Orbi expositis Heroinis, quā
non Fortuna sed Splendor cælestibus associatus radijs solo & Solio
nostro conciliauit, Coronæ dedit. Non admodū cothurnatis vocibus
superbiat Cæsar ille, se Principem à purpura genitum, clarior est
Tua gloriæ sparta, quæ nobis ex Imperatorum, Regum sanguine pa-
riter cum virtute innata REGINA contigisti. Viuemus felices, æ
prosperi, dum pectori Tuo *Austriaco* inserimur. Regnabis & Tu
diutissimè, quæ Maiorum amplitudine, Affinitatum Splendore, Parē-
tum admirabili Majestate, virtutum, donorum supernorum Tuorum
magnitudine ad Thronum accessisti. Fatiscant, & circa discessum
Alexandri inanimatæ sudent statux, ad Tuam Solij scansionem, sub
pondere virtutum lassati calami, vel disertissimis Orpheis sudores
prolicerent. Nuncupamus vota pro æternitate Imperij Tui, Tu
verò ea adimple, pro salute Ciuium, pro amplitudine populi Poloni,
flore, & commodo Patriæ. Dent Tibi ætatem Superi, quam mereris,
feruent animum, quem dederunt, vt hæc Tua Majestas cælesti Co-
ronata Splendore, reuerentiâ Nostrâ comprobata, per animos Gen-
tium effusa, in sinu Reip: Nostræ Lauris victricibus, & arcubus trium-
phantis populi circumfusa, ad exterorū liuorem, ad Sarmatiæ in suo
Nomine iactantiam, ad Senatūs authoritatem, Nobilitatis nitorem,
fidem Prouinciarum, Regni totius laudem, Academix Nostræ
Zamoscensis Decorem, & incrementum splendeat,
ita vouemus, aprecamur.



P. X. X. 21.

pię
odi
inā
tes,
eni-
rbi
piā
on-
ne-
de-
atu-
ele-
ub-
huc
dor
mo
sta-
quā
olio
bus
est
pa-
ae
Tu
arē-
um
um
sub
ores
Tu
oni,
eris,
Co-
Gen-
um-
suo
em,

UNIK

ae

1121

Biblioteka Jagiellońska



stdr0027291

